

永和縣志卷之十四

風俗

風俗之淳漓政教之得失繫焉昔季扎觀樂爲之歌魏曰美哉泃泃乎大而婉險而易行以德輔此則明王也永屬魏之末區東南環山西北帶河雖曰地僻山險而人多質朴俗尚儉約士民俱以耕種爲業無游手逐末之人可稱務本之俗也

永和縣志

卷之十四

風俗

舊志云地瘠民貧人朴俗儉尚務農業不爲商販嫁娶不親迎喪本家禮有爭訟集酒肆以和之有婚喪聯隣里以濟之彈丸之區猶有陶唐之遺風焉

新歲各村鳴鑼擊鼓爲樂此村至彼村以油糕酒果款之明日彼村至此村亦然賀嫁娶之家亦

用油糕

正月五日家藏不出

六日女不用針

七日炙糖坵種瘟

十日夜不點燈

十五日元宵點燈祀神

十六日携女登山名遊百病

二十日點燈名曰填倉

三月三日真武廟設醮名曰楊柳會

永和縣志

卷之十四

風俗

二

清明前三日拜掃架鞦韆

穀雨書符禁蝎

十八祭賽聖母即后土神

二十祭賽送生聖母

二十三祭賽痘疹聖母

四月八日賀佛壽閼帝廟獻戲

五月五日祭賽龍王雄酒帶艾童繫百索

十三祭賽閼帝廟

六月十八祭賽本縣城隍

二十祭賽眼光藥王神

七月十五士祭魁星農掛田旛佛寺設盂蘭醮

二十三祭賽華池神

八月十五獻瓜餅玩月

九月九日蒸糕賞節

十三祭賽閔聖帝君

十月一日祭先祖送寒衣

十五祭三官神

十一月冬至俗名追節

永和縣志

卷之十四 風俗

三

十二月五日煮五色豆

二十三以雞祀竈

除夕門上貼招財緋以硃抹馬形曰神所乘也嫁

娶多在除日以新舊相承諸無禁忌也

凡生育者坐草三日漿水不飲名曰坐草禁忌生

人

娶婦之家以妓為伴行禮則相之宴客則備之此

風俗之宜亟改者

俗儉不佞佛有橋梁教建橋修路則為緣主有油

蠟教神前燃燈有金丹教婦人遇朔望相率誦
經凡歸各教者俱不如暈有全家數世不知肉
味者吉凶宴會俱設素齋大約意主省約非邀
福也

村氓以畜牧爲事貧者不能畜牛賃之牛多者豕
少羊多宴客每有羊而無豕爲人牧羊孳息共
分之馬騾駒亦共畜養及長大則市之而分其
直俗最喜產騾駒生一月名曰騾駒滿月親友
不憚遠來各携財物相賀亦意在重財彼此成

永和縣志

卷之十四

風俗

四

風也

九月製酸菜溪內洗淨藏之甕中味變爲酸蓄之
供一年之用總緣山邑天無春冬土無生產四
時多寒止生此物爲民終歲

民居皆穿土窰工費甚省久者可支百年有曲折
而入如層樓複室者每村自遠視之輒擬
甌墉高下數層縫裳捆屨歷歷可指坡之高者
路峭而窄老翁驅犢少婦汲水登降甚捷疎不
以爲苦平地亦多壘磚爲窰山木難購且窰中

夏涼冬煖也

永邑之惡俗有三余不忍志而又不得不志以爲愚民警策者如子孫懶惰不務本業以致家貧無措遂謂祖墓不祥即翻掘之其惡俗一也如近葬者毋論閔切與否倘家人有災禍遂謂作祟亦翻掘之其惡俗二也如生人將新亡之殮衣割而佩之名曰避邪余曾經審實重責者其惡俗三也嗚呼民愚一至於此乎獨不思已之貧富壽夭產時數已定矣於人何與即在生尚不能爲福爲禍況死後乎之三者其關於風俗人心匪淺也後之君子董戒之禁止之庶幾俗敦龐古矣